



UnisZA

raih pingat di ITEX 2016

UNIVERSITI Sultan Zainal Abidin (UnisZA) terus membuktikan kejayaan apabila merangkul 100 peratus pingat pada 27th International Invention & Innovation Exhibition ITEX 2016 yang berlangsung baru-baru ini di Kuala Lumpur Convention Centre (KLCC).

Pengarah Pusat Pengurusan Penyelidikan dan Inovasi (CRIM), Prof Madya Dr Saiful Bahri Mohamed, berkata UnisZA menghantar 13 produk dan berjaya meraih lapan pingat emas, empat

perak dan satu gangsa.

"Kemenangan ini lebih bermakna lagi apabila produk *Structure Analysis of 3 - Axis CNC Milling Machine* hasil ciptaan Zammeri Abd Rahman dan pasukan beliau dari Fakulti Reka Bentuk Inovatif & Teknologi (FRIT), menerima Anugerah Khas - *The JIPA Award for the Best Invention in Design*.

"Kejayaan ini amat besar untuk UnisZA, jumlah pencapaian pingat pada tahun ini adalah lebih baik pada

tahun sebelumnya," katanya pada majlis penyampaian hadiah tersebut.

Pameran tiga hari itu dirasmikan Menteri Sains, Teknologi & Inovasi, Datuk Seri Panglima Madius Tangau.

Turut hadir, Timbalan Naib Canselor (Penyelidikan & Pembangunan), Prof Dr Mohd Ekwan Toriman yang diiringi Timbalan Pengarah Inovasi Pusat Pengurusan Penyelidikan dan Inovasi (CRIM), Dr Zarina Mohamad serta pengunjung yang terdiri daripada

pelawat industri, penuntut dan sekolah.

ITEX 2016 menghimpunkan lebih 1,000 penyelidikan oleh penyelidik universiti, pusat penyelidikan dalam dan luar negara, sekolah rendah dan menengah, termasuk sektor swasta.

Turut diadakan, Malaysian Young Inventors Exhibition (MYIE) dan Asian Young Inventors Exhibition (AYIE) yang menjadi platform kepada 152 penyelidik muda negara bagi mempertaruhkan hasil penyelidikan mereka.

